

## KOBLENZ

### **Datt Lehrbooch**

*Böjer dohn ons gaistig nähre,  
doch mer soll se stets met Roh  
en der Mußestonn verzehre,  
net verschlinge - datt es schroh.*

*Dovon bleibt dann net vill hänke  
datt es net dä Sinn on Zweck,  
denn beim Lese soll mer denke. --  
Wer datt kann - hat wärklich Gleck!*

*En der Schull sein et die Böjer,  
die ons helwe Johr fier Johr.  
Ohne „die“ wierd kain Mensch klöjer,  
dä kimmt net em Lewe klor.*

*Es dä Lehrer noch su düchtig,  
fachlich off em goode Stand,  
es datt Lehrbooch trotzdem wichtig,  
deent imm, als sein rechte Hand.*

*Su - on ähnlich schwätzt dä Vadder  
öfter met demm klaine Sohn.  
„dä“ verwechselt beim Geschnatter  
widdermol dä echte Ton.*

*„Leerbooch“ reefst dä Dommgescheite,  
„su eins hätt ich och mol geer,  
denn em Booch met leere Seite,  
fällt datt Lese mir net schwer“!*

*Katharina Schaaf*

10. Nov. 1983 Kath. Schaaf